

Broj: 101-602/19**Datum:** 10.05.2019.

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH broj 2/98), a na prijedlog Komisije za javne nabavke Radiotelevizije Bosne i Hercegovine, donosim

O D L U K U

kojom je za najpovoljnijeg ponuđača za *nabavku usluga štampanja promo plakata za 2019. godinu za potrebe Muzičke produkcije ugovornog organa Radiotelevizije Bosne i Hercegovine* izabran ponuđač **GARMOND d.o.o.** iz Sarajeva.

O b r a z l o ž e n j e

Na temelju Odluke generalnog direktora ugovornog organa Radiotelevizije Bosne i Hercegovine broj 101-380/19 od 26.04.2019. godine Komisija za javne nabavke je pokrenula proceduru po konkurentskom zabiljevu za dostavljanje ponuda koji za predmet nabavke ima *nabavku usluga štampanja promo plakata za 2019. godinu za potrebe Muzičke produkcije ugovornog organa Radiotelevizije Bosne i Hercegovine*, sa predviđenim sklapanjem okvirnog sporazuma sa odabranim ponuđačem na period od jedne godine i na odobreni budžet, odnosno na iznos ponude ukoliko je iznos ponude manji od iznosa odobrenog budžeta.

Na predmetni postupak javne nabavke, objavljen na portalu javnih nabavki www.ejn.gov.ba dana 24.04.2019. godine pod brojem 113-7-2-29-3-57/19, a u skladu sa članom 88. Zakona o javnim nabavkama Bosne i Hercegovine, unatoč činjenici da je tendersku dokumentaciju sa portala javnih nabavki preuzelo 12 (dvanaest) dobavljača ponudu je dostavio jedan ponuđač, i to:

- GARMOND d.o.o. – Sarajevo KM 4.680,00 bez PDV-a KM 5.475,60 sa PDV-om

Provjerom valjanosti primljenih ponuda Komisija je ustanovila da je primljena ponuda pravno, tehnički i ekonomski validna, u skladu sa tenderskom dokumentacijom i Zakonom o javnim nabavkama Bosne i Hercegovine.

Kako je u pitanju Konkurentski zahtjev za dostavu ponuda, te da se dodjela ugovora isključivo zasniva na najnižoj cijeni tehnički zadovoljavajuće ponude, i kako je Ugovorni organ predvidio provođenje postupka e-aukcije, a s obzirom na činjenicu da se na predmetni postupak javio samo jedan ponuđač i da se u tom slučaju ne provodi postupak e-aukcije što je u skladu sa tenderskom dokumentacijom i ZJN BiH, Komisija je postupila u skladu sa članom 89. stav (1) Zakona o javnim nabavkama Bosne i Hercegovine i izvršila izbor najpovoljnije ponude.

Na temelju svega navedenog ugovorni organ Radiotelevizija Bosne i Hercegovine je odlučio kao u dispozitivu ove Odluke.

Izvještaj Komisije za javne nabavke čini sastavni dijelove ove Odluke.

Pouka o pravnom lijeku

Protiv ove Odluke dopuštena je Žalba ugovornom organu kao prvostepenoj instanci u postupku u roku od 5 dana od dana prijema iste u pisanoj formi, a u skladu sa članom 101. stav (5) Zakona o javnim nabavkama Bosne i Hercegovine.



**Generalni direktor BHRT-a
Belmin Karamehmedović**

Dostaviti:

- GARMOND d.o.o. Sarajevo
- Arhiva